

湖  
海  
詩  
傳

湖海詩傳卷二十八

青浦王昶德甫輯

沈初

字景初號雲椒平湖人乾隆二十七年召試賜內閣中書二十八年殿試第二人及第官至戶部尚書諡文恪有蘭韻堂集

龍巖州金牧邀遊龍洞作

清風一路引遊騎坡陀岡脊森長松石磴盤折入幽壑峭崖斜立堆龍從屣屨展中拓數弓地土花浸綠紛茸茸仰視石罅滴鍾乳橫裂積鐵藤蘿封其時秋暑正炎熱到此陰冷如殘冬淫霧滲漬古壁暗疑是深夜潛蛟龍一痕洞口養沈碧卻照午日光溶溶

法螺寺

竹籬依樹插一路翠微中落葉有人掃秋花無際紅山門開  
遠色亭檻架虛空遙指湖光好雲烟接梵宮

通天臺

漢武仙壇顯氣清通天繹繹峙神京三辰旗繞甘泉出六甲  
書從闕苑迎幽恨千秋憐沈炯雄心一代誤文成玉牀翠被  
風流歇落日長安望故城

文選註臺高三十丈望見長安城

舟發吳門

短簿祠前三日留東風吹我上蘭舟弟兄情話判今夕山水  
清緣感昔游衣上殘梅和月落窗邊新柳著烟浮一年好景  
春將半偏與行人起別愁

舟發潞河次程叢園韻

忽斷車聲聽水聲秋風人與雁同征吟看遠樹迷歸櫂夢逐  
疎鐘繞禁城行住尚懸他日念別離只讓少年輕倚闌愁絕  
帆南去不忍重添故土情

游仙詩

湖上青山浸碧虛鳳巖高處拓精廬仙人最愛樓居好蘸筆  
曾題閬苑書

玉七晨餐挹露華下方城郭任喧譁等閒遊戲拋瓊屑散作  
人間六出花

木公金母記前盟白鳳飛來路幾程可得梅花消息否雲窗  
霧閣不勝情

列岫窗中暮擁愁宿雲檐下曉還留吳山便是蓬山路夜靜  
春寒十二樓

集程魚門拜書亭觀藏墨聯句

葛囊乍啟霏古馨

沈初

龍賓十二呈瓊形

程芳

磊磊落落偶復

零

吳省欽

簾波四蕩烟華青

曹仁虎

五色徘徊光不暝

嚴長明

摩抄

瑩質玉脫珎

趙文書

元氛上薄迴秋冥

陸熊錫

笏圭丸鋌隨所型

初圓者重鋤方者砥

晉芳

倨劬剡上鈞參停

省欽

諸品歷臻微圖

經元珠赤手探窮冥

長明

作鱗之而飛九龍

哲文

佛現太白毫

熒熒

熊錫

咄哉方寸隱岳靈

靈中赤水珠九子白毫光五黃真形四種尤異初

雲云雷回杳兮

冥

晉芳

有山上峙淵下濤

省欽

有木翹幹草苗葶

仁虎

或獸蹠足禽

梳翎

長明

攢樓架閣何岌亭

哲文

刻畫衣袂來娟姪

熊錫

模範一一

超畦町

初識

凹款凸審厥銘

芳晉

紀年月日書甲丁

省欽

斷珪碎

璧鐸玎玎

仁虎

粟紋斑剝餘晨星

長明

半螺猶直千睽眴

哲文

吳塵

羅華

小方

程君譜鳳訂

熊錫

剛妍角祕尹與邢

初維

桑卜築夥

南荆晉天都三十六翠屏省蒼虬千春孕茯苓仁肪肥液滿

招戕刑明繩繩入陰追駭獍哲登登柯斧傳崆峒錫斯之束

之擔且拾初板扉燈閃瓦竈陁芳一絲裊碧烟無燼省輕煤

霏霏著戮瓶仁尖風不到文窓櫺明角麋之膠漉去腥文和

以谷水寒清冷錫搗霜萬杵連巷聽初明犀暗躡惟使令芳晉

江南墨官徒耳聆省父子秘授煩丁寧仁我用我法心自惺

明龜包錦襲馳車聆哲多君保此從鯉庭錫知白守黑區渭

涇初道在用晦非癡論芳卽今月給分槐廳省日就研此依

乾螢仁客卿封號辭拘囹明古懽靜對鍵雙局哲文磨人任爾

閱歲齡錫

韋謙恒

字慎占號約軒蕪湖人乾隆二十二年 召試 賜內

閣中書二十八年 殿試第二人及第官至貴州布政

使有傳經堂詩選

蒲褐山房詩話倪桐詩派前推聖俞後數愚山以嘽緩和平為主約軒承其鄉先生之學故不以馳騁見長六一居士序宛陵集謂古雅純粹注堯峯序愚山詩謂簡切淡遠舉似約軒可謂得其法乳者約軒以翰林大考受知不數年直綸屏出爲方伯緣事罷歸以四庫館編校加鴻臚少卿故吟興至老不衰合于協夢精于儀禮有錄則十七卷不喜爲詩故無所採

自題秋林講易圖并序

濟南使院在大明湖東水石清幽致有佳趣新秋雨

霽校士餘閒偕兒子協夢協中學易於坳芥亭因爲秋

林講易圖并題五言二首

平生嗜墳典一編每獨把矧以退食餘坐我秋樹下清光盈

胸懷水木自瀟灑蓬髮有二子詩書爲陶冶易學傳九世自

來亭公治易今九世矣詎敢頓喑啞程邵吾兼師焦京汝姑舍居則玩其

辭鳴鶴象可假惟期樞機慎庶幾悔吝寡安能病包犧效彼  
負苓者

善易不論易斯言古亦有吾惟未善易斷斷乃在口錫名憶  
先人俾我終身守拳拳五十年頃步無敢苟小子躁未釋道  
蘊詎能剖卦以未濟終于義何所取三陽皆失位微言倡老  
叟小狐濡其尾戰兢斯无咎以茲持爾身或可昌我後他時  
當致享有孚于飲酒

謁陽明先生祠

并序

祠在貴山書院左歲久不治余以奉錢新之廼帥諸  
生行灌獻禮兼紀以詩

天地苦榛狂無由開屯蒙往往賴賢喆弊敎遂以通夜郎古  
絕域道學誰爲宗豈知龍場丞廼暢鷺湖風苗犴雖錯處性



命理則同良知本孟氏諄諄提賸聾石洞玩爰象草庵殊從

容

先生結草庵於龍場又有  
玩易窩在陽明小洞天

但偕鹿豕游寧許魑魅逢一時講學者

拆源流未窮如彼潮陽人至今師韓公頑廉懦夫立冠服何  
雍雍我來瞻祠宇亟爲勤垣墉落成薦俎豆繼掖諸生從升  
堂尋微言吾道非虛空致知與力行相與爲始終請看新建  
伯磨厓紀豐功徘徊竟日夕皓月生前峯

蕭尺木先生畫壁歌

壁畫秦岱華嶽巖巖屋廡四山漁洋先生  
設華爲衡蓋距瞻園雜志之誤也

平生愛山水思爲五嶽游向平之願不得了兀坐一室徒啁  
啾去年挂席來采石攝衣直登謫仙樓謫仙樓下何所有但  
見丹崖翠嶂空中浮頓使白晝雲烟生滿屋恐有長蛟出沒  
哀狼愁近看却是壁上畫蕭公禿筆幻出人閒秋日觀縹緲  
插天際秦松漢柏蛟龍蚪玉女洗頭盆宛在巨靈仙掌痕猶

留匡廬奇秀甲天下石門瀑布爭飛流大峨小峨兩山峙積  
雪倒映瞿唐舟釘頭鼠尾皴法異荆關巨手誰能倚謫仙平  
生拄杖處一一都向軒牕收錦袍烏帽騎鯨客夜深放悲來  
吟謳若非畫師腕底有邱壑青山白紵安足供優游我來坐  
卧已一載胸襟披豁開雙眸東西二嶽在懷袖暮臨彭蠡朝  
眉州譬如列子御風去一日能使萬里周嗚呼人生游蹤不  
能遍江海也須栖息數寒暑胸中聊以消煩憂

陸緯歌

并序

黔山陡削肩輿不能上乃繫二繩於輿之左右使人  
分曳之以佐輿人名曰緯夫余憫其勞因爲之歌

辚辚确确穿山坳居人騰趨如飛猱肩輿送我巖邊宿若遵  
大路忘其勞忽見懸崖插千仞輿臺趑趄不得進短纜聊同

上瀨船長繩略似服箱紉一夫邪許衆雷同牽挽直到層霄  
中蝸角雙雙向人而鰕鬚裊裊當晴空行步雖工力已竭白  
汗翻漿僅免蹶枉希代馬強追風翻類吳牛驚見月峰頭已  
過喘未停息肩相與趨郵亭得錢幸足供醉飽小人勞苦古  
有經棄馬用人我心忤肯惜傾囊爲軟腳安得更籌衣食源  
俾爾長享田安樂

丁丑江南 召試蒙 特恩官中書者七人吳二匏

徐勇庭皆逝唯余與王述庵副憲褚筠心吳白華兩  
學士曹習庵中允五人在耳而述庵陳臬江右白華  
督學楚中秋燈獨坐偶吟東坡歲寒猶喜五人同之  
句不禁中夜搔首因用蘇句發端賦詩奉寄并邀筠  
心習庵同作

歲寒猶喜五人同宦轍無端離別中  
覽鏡自慚雙鬢白倚樓  
唯對一燈紅星河耿耿秋生袂江漢  
茫茫水拍空何日尊前  
懷抱盡劇譚相與吐長虹

黑神廟

土人呼南將軍爲黑神報賽者無虛日

巫覡紛紛歌舞頻  
封羊醜酒爲何人  
不知南八真男子  
鼓簫叢祠賽黑神

姚 孫

字姬傳桐城人乾隆二十八年進士官至禮部郎中有  
惜抱軒集

滿樹山房詩話姬傳字弟慈祥而襟期嶺嶺有山澤閒儀有松石閒意簿書刀筆  
雅非所好也詩有清雋晚學玉局翁尤多見道之語望其眉宇爾然已知在風塵  
之表矣既歸里土安微做教江寧鎮山揚州安定三書院以讀書學道教  
多士地方大吏無不愛而重之古文淳古簡淨紆徐往復亦多不盡之味

山寺

四山動秋響高林黯將夕披雲度寒榛暮陰下前壁寺門風  
蕭蕭飛葉滿巖積等嶼暗深溪淙鳴出窈石想見谷口外落  
日遠峰碧一聲流烟中萬壑抱檐隙豈無湛冥人於茲衣蘿  
薜初月輝易盡悵望遂停策

出獨山湖至北口作

初日澄前陂餘陰澹巖曲清流杳終古宛此媚幽獨烟消淨  
衰草風來振疏木移舟度雲影停橈玩空濛理昧後人蹤興  
與前游屬託世楚雲裏孤懷亮自足

連日清齋寫佛經偶作數句

結髮慕勝因而復役人事秋空泝江水勝地雲帆至烟際東  
林鐘月出山谷寺暖鳥諸天外中宵倚寒被劣觀清靜理一  
高情賞寄遺物非安排取境卽塵累雲餘冬日美門掩衰草

翠清夢觸舊想卽目遇新義聊披貝葉書終與忘文字

嚴侍讀

長明

招集散木庵時嚴將南旋

風日一何佳初冬殊未冷高齋客來暮檐陽露俄頃小庭木  
盡脫蕭蕭散空影所貴人心閒適與物候靜平生值數賢驟  
見良已幸招邀況一室行不待造請主人無俗懷稍爲設蔬  
茗旣脫形骸累觀醉不妨醒試思士多才奚啻木有瘿可得  
謝斧斤何嫌寄幽屏所惜送將離屈指江路永曷以盡餘情  
宵深燭猶秉

乙卯二月望後與胡豫生同住憨幢和尚慈濟寺觀

月有詠

夕陰連遠麓嵐翠斂高岑新月吐巖缺光照寺西林鑑輿轉  
重障杳度碧谿深春樹葉未多疏影落衣襟佛宮坐遙夜妙

義託幽尋上眺層閣暉下步重階陰素魄行無極光霽曠來  
臨本非有擇照安知愛者欽文學俊才筆禪悅亦所欲余衰  
邈違世慕道恐弗任非徒遣煩慮更當遺賞心閤黎淨業就  
結習猶謳吟共會忘言契何嫌金玉音

關口阻風

一出金陵郭兩日北河口翻翻鍾阜雲背我逝蒼狗試曳市  
廛杖廻飲王生酒墨香發笈外古色盈座右吳畫奪造化黃  
字耀星斗上河王養中家觀所藏書畫甚富我尤愛山谷道人書王建詩及吳仲圭夏初圖乃知此淹留風伯意  
良厚自是飽挂帆卯行嘗及酉離家百里外故山當船首正  
及湖水濶忽起西風吼停棹入菰蒲繫纜向榆柳蘧蘧清夢  
醒試一憑船牖遙山紛冶麗下水亦清瀏魚艇夕陽邊楓葉  
零霜後雖無古墨妙景物亦希有行止要不礙愜喜兩無取

默坐獨成詩橫肱進吾糗

元人散牧晚歸圖

日落未落東皋黃搖風欲盡千絲楊榆莢雨後邨塢涼澤中  
草長人微落牛從雜遝老特將刺促或走或伴望或掉尾立  
銜藏蓑牛背短簍二尺強握坐者牧舟樹牆旁有吹笛聲琅  
琅據牛橫坐如胡牀後有蓬髮趨踉蹌前有招之右袂張首  
伏牛後尻前昂二人裴薛行驅羊掀笠偃背丫髻長其一糾  
笠風中颺林木度盡橫陂塘前邨暝色寒蒼蒼一人先俟牛  
宮旁遶宅榆柳青蒼簑老翁飽腹飯黃粱出攜幼稚嬉徜徉  
少婦機杵鳴東廂人生正可知農桑春夏耕牧秋築場不見  
臧穀羊皆亡嗟哉此畫真吾鄉

獲嘉渡河



河北山形歷天半左挾軍都東海岸雲騰風掣到河陽二千  
里餘青一斷我來經過衛州西雲巘迴頭百回看竹林亭立  
明珥清原泉飛下珍珠散想見幽人尙考槃安得同歸脫戰  
絆北風忽出白陘口吹渡秋河百川灌山川聊供中流喜舟  
車顧有知津歎西南廣武數峯來屈指英雄幾更換

游攝山宿綠雲庵二首

不見深巖桂微風谷口香披雲過石徑聽澗到僧房穹壁天  
光窄環林地籟長欲求明處士偃蹇待斜陽

叢樹未搖落寒山已改容白攜孤竹杖晚下最高峯燭隱秋  
聲閣詩成夜壑鐘白頭餘健在幽處欲潛蹤

哭魚門

魚門素自同好之約今春聞其引疾方爲飲然  
而魚門旋以訪畢事示沒于秦子才三歲耳

遇君通籍已華顛猶見雄才賦百篇送別議聯元亮非論文

曾許伯牙絃十年白虎成通論幾日童烏與太元一入嶠函  
身不返空聞解綬買江船

毛俟園用僕看桂前字韻作詩見貽因復答之

萬里清江到坐前又逢佳客九秋天短筇共散幽憂疾芳樹  
誰知擁腫年君輩論文推馬齒世間相士貴薦肩止宜不負  
看花約自斷平生志已堅

婺源胡奎若藏黃石齋先生自書五言詩蹟題後

直言瀕死荷戈餘社稷猶思再埽除指佞朝廷惟汲黯存亡  
時勢異申胥秋來草沒宮門路石齋將死于江寧時過故宮門猶下車見俗鄉記夜半鐙寒  
屋漏書要識艱危成節概不隨流俗在平居

過江浦縣

江出天門雲水長客心孤迥路蒼茫寒山自遶涂中碧不與

斜暉過歷陽

細雨

細雨餘春尚薄寒綠窗風定蕙香殘七年同種階前樹獨坐  
花間掩淚看

王嵩高

字少林寶應人乾隆二十八年進士官平樂府知府

蕭雨山詩話少林門第清華如樓村殿撰自田庶子告其大父行文學之傳師承有自故發於詩者或幽靜而閑止或奔騰而排岸皆自蕭蕭入前賢之室吟編甚富今所採題者止游梁一集耳以郎中出守粵西未及歲以乞養歸後遂不復出一爲安定書院院長而卒聞其詩多散佚者

仰化鎮曉發

月落荒雞鳴披衣戒徒御烟靄蒼茫中征夫從此去曖曖出  
市墟微微辨村路野風吹席帽草露濕芒屨長途怯所經倦  
僕顏已屢積霧開前山初陽散高樹迴瞻昨宿時茅茨在何

處

龍山寺別念昔二叔

華珎行陂陀蒼然四山暮  
澹月生前峯照見招提路  
遠水送孤舟長天隱春樹  
漁燈波外懸僧磬烟中度  
悵悵竹林人明朝峭帆去

宿邕

莽莽英雄國千秋惜霸才  
風雲通井邑書劍隱蒿萊  
古木寒鴉噪空城曉角哀  
惟餘東逝水長遶楚王臺

戲馬臺

宋帝鳴鑾日茱萸宴席開  
河聲殷地轉秋色抱山來  
鼓角三軍壯風流二謝才  
雄圖今在否長嘯上高臺

晚行山間

遙遙楚山外，杳靄疎林暉。却望下山路，人家方掩扉。日夕烟  
鳥散，近邨樵牧歸。誰念旅游者，行行歌式微。

月夜憶白門諸子

此夜秦淮客，疎燈水閣頭。隣船歌白紵，涼月下江樓。別恨同  
千里，歡期咏四愁。遙憐橋畔柳，還似昔年秋。

大梁懷古

搖落偏驚旅客魂，秋風回首眺中原。三花樹色開神岳，萬里  
河聲下孟門。形勝鬱蟠終古在，英雄忼慨幾人存。信陵策士  
俱黃土，獨有侯生解報恩。

金明池水上，河通宋帝諸陵。白露中花石，南來軍國病翠華。  
北狩寢園空，烟寒桑柘連秋社。雨後藤蘿滿故宮，莫問樊樓  
舊燈火。東京遺事夢華同。

夏日憶縱權園木清閣

城東咫尺若耶溪，布韞青鞵願久睽。  
烟水宛通山郭外，人家隔在板橋西。  
開簾風送香荷淨，當戶峰排石筍齊。  
小艇斜陽泛花影，桔槔聲裏亂蟬嘶。

陰陰夏木遶吾廬，山下流泉過石渠。  
一詠一觴圍坐處，某邱某壑釣游初。  
牆東修竹千竿直，閣外高梧百尺疎。  
曾與謝公扶屐齒，淒涼別墅迴愁予。

太皞宓犧氏陵

蓬古傳神母，流光感赤虹。  
龍書彰聖瑞，日角表皇躬。  
肇啓苞符秘，能侔造化功。  
紀元開運會，畫卦判鴻濛。  
理協陰陽始，幾參象數終。  
三才咸有統，六位嬪無窮。  
姬孔淵源在，炎黃謚號同。  
補天欽帝妹，翺字授臣工。  
任宿沿風姓，庭巢列禪通。  
混茫

都邑改巍煥寢園崇紺殿凌霄漢朱陵接華嵩握圖容自肅  
衣卉道彌冲萬古斯文祖千年望秩隆 聖朝稽典禮謨誥  
述龐鴻日月觚棱外乾坤法象中白龜淪蔡水蒼桮擁齋宮  
幽贊成何極靈著滿百叢

雨夕

涼雨空階暗疎燈小閣明啼蟹兼落葉一夜作秋聲

蘇去疾

字獻之常熟人乾隆二十八年進士官口口知州有涉

蘇園詩集

蒲陽山房詩話蘇之園而孤峭天壤夷曠慨時常以飛颺飄颻爲比樂府最  
古國詩興然如河漢無形影在江流有聲獨夜久不覺雨聲聞更涼涼風遂起  
明月滿前村又所謂遠蕭蕭山色古寺改主事出爲知州與世聲牙達謝  
病歸家於三十餘年仗履逍遙生顏色髮視聽不壞虞山人指以爲仙

代飛來雙白鶴

爲弟純之  
入燕作

四鳥生商山羽翼日已齊銜羽復接翼啾啾何悽悽問鳥何  
所規稱我黃口時四體少羽毛待哺常聲悲中道痛失哺八  
翼其困依朝拾覆車粟莫還空城棲蹢躅蓬蒿居性命宜無  
違子有山海志安能久卑栖風雨一交際東西南北飛我欲  
隨汝去一身悲斧斯勸汝依藩籬憂汝寒與飢交頸長太息  
淚落空復爲迴顧世間人和樂真不支

古意

天路興浮雲遠望心中悲借問何所悲君子久別離結車繞  
天涯會見知日稀日色何晚晚叢蘭滿邱晚前綏今未來三  
歎不能飯參差盛年去歲暮行當返年盛一已頽蘭草一已  
摧日夕空閨中涼風當告誰望君如南山思君如流水南山  
終不移流水何窮已



行路難

君不見北地儒家子碌碌刀筆無顏容一朝投筆殺賊去帝  
遣圖畫凌烟中當時四海望英爽令我坐嘯生雄風上馬掣  
兩鞭雙鳧腳躡長楸間黃塵匝地秋塞淨丹梁繡柱開雲烟  
被褐之甫何處來氣象衰颯非時賢常先大鴻在帝座龍鱗  
杳矯豈汝攀行路難

男兒墮地不得命氣象樛屈如死灰牀頭令我惡顏色蒸嘗  
不列晨無炊骨肉分張入五郡夙興寒起一望墳塋悲白日  
懸天亦周照蓬蒿杳杳無清輝步出西郭門木石摧拉埋精  
魂悲風倏忽四面至山精微嘯似在枯桑根興亡歷歷山與  
河不逢黃金買枯骨但見郭隗墳墓高嵯峨行路難當奈何

送八繡遊京師

君不能手彎兩石從兩肩珠袍馳逐稱少年又不能早營河  
車佩五岳捷徑走上終南顛浮沈里巷何所作彈棋賦詩仍  
醉眠高歌時時鬼神泣小句往往見童孺前年飢驅過涪右  
萬里瀕墮蛟龍涎戎商未辨客何苦意望下洞開開田秋風  
三吹洞庭葉始歸坐客仍無氈朝來撫髀正愁思大笑忽憶  
蓬萊仙妻帑困人是何物富貴待我今華顛故人飛騰半霄  
漢且向隗衍分糜餽李白蓬蒿豈應久陳登湖海誰能捐黃  
河東來日往還岔道北走居庸關鉤陳遙環太乙座溟渤曲  
抱崆峒山三輔黃圖冠區夏此行自勝游東川憶昔東川下  
平虜萬馬蹙踏巴渝開金甲盡銷若水北玉函再入秦山編  
西臨烏蒙南越雋氣象雍穆開風烟頌聲將興偉士奮坐朝  
明堂張九筵大音低昂詔牛鐸古器黯淡求朱紱是行正遇

太平會歌詠 盛世公當前僕夫在門驪在道行矣贈子秦  
人鞭

獨遊

獨遊泉上寺篁翠維衣涼灌木吟山路春禽向夕陽禪房深  
晚秀空谷靜天香坐對雙溪水濠梁辨未忘

秋盡懷八繡丈客蜀中

涼風在羣木萬壑有哀音天末應搔首千山起暮吟洞庭波  
始闊峽水月常陰魂夢猶難到愁君白髮侵

李集

字繹芻秀水人武曾之孫乾隆二十八年進士官郎縣  
知縣著順學齋詩鈔

請得山房詩話繹芻早就理學晚爲韻史詩非所好而詩深蒼老實合於古人繩  
度解其家傳無幾年七十九卒臨終詩云一曲兼葭水繞門歸舟十載佳龍邨家

藏正行圖書在付與世守其標格可見了  
且華陽才早卒孫過孫有各序序開俱見於後

桐華館閣未孩詩即書其尾

鞏芳歇春餘鳴鳥亦斂息拂拂刺桐華當窗呈淺碧高館書  
長陰苔徑少行跡微雨從東來洗此柯百尺色香異衆妍獨  
秉素心白籠雲蔭重階隨風點瑤席長離儻來翔翩然戢其  
翼我有同心人采采蘭訊隔試展短長謠香馨滿衣幘

贈許晦堂二首兼以送別

匹馬當年短後袍長河落日指臨洮孤臣舊歷迷沙雁公子  
愁心慙寶刀急雪三城獵騎入暮笳千帳錦筵高至今紅柳  
秋風山

君以尊先公總戎事而邊數載  
著聲原集紅柳秋風集中句也

譜入佳人碧玉槽

番陽岑接楚山隈杖底寒潮萬壑雷九派雪深郎子國雙江  
春轉大孤臺頻年蹤跡歸長缺幾度風濤遣濁杯卻憶滄洲

坐吹笛神魚驚起夜猿催

祝德麟

字止堂海寧人乾隆二十八年進士官監察御史有悅

親樓詩鈔

寶雞初入棧

行行歷鳳翔前歧分隴蜀昨日望中山今朝山下伏掌管益  
北門設險岐南服壁立折天關劾趨圻地軸危梯窮一綫俯  
瞰無平陸故術熟獼猴新蹊用樵牧陰崖生雨雲陽嶺移晴  
旭氣候變東西往迴雜涼燠山中百泉水轟作雷車逐奔騰  
注一溪偏與巨石觸石攔水益怒跋扈相凌蹴何人架飛梁  
遶窄度馬足單車走仄徑攀捫已局促槎枿出雲根故向人  
頭撲崖欹路每掩徑轉嶂仍復鬱鬱萬樹林中有盤古木卻

遭不死藤牙鬚苦縛束山果隨意紅瓊碎失名目時聞嘹唳  
聲鳥啼隔幽谷陂陀半峯罅偶一著茆屋薔花慘微丹瓜蔓  
延衆綠指顧生面開游行幽賞獨險惡十三程發軔戒僮僕  
巍巍煎茶坪西接鳳州隩傳云巖壑開頗聚仙靈族方今  
聖德昌會須鳴鸞驚莫向紫柏山求仙問辟穀

汴州懷古

品畫論書鑒別真獨於理亂昧經綸焚樓燈火平時景艮嶽  
鶯花夢裏春地棄燕雲原失算天生宗岳爲何人始終太息  
金甌缺誰贖黃龍塞外身

山海關二首

表海依山氣象尊堂堂巖邑鎮關門戶庭直是同閭闔水木  
能無溯本源一代風雲開草昧兩都形勝控雄藩月明袞袞

濤聲壯想像當年士馬屯

神武開天萬世功

真人駕馭必英雄宗臣袞繡來姬旦

降表書辭得寶融電掃黃巾滄海畔星馳金甲玉關中歸心  
豈假驅除力雲氣飛揚滿沛豐

寧羌州夜雨

夢繞巴山古驛亭溼螢明滅一燈青西風特作瀟瀟雨併入  
秋聲此夜聽

桐廬雨泊

雲壑沈沈作嫩涼飄然一舸載輕裝秋風秋雨桐江路不待  
緩啼已斷腸

董潮

字曉滄海鹽人乾隆二十八年進士改庶吉士有東亭

詩選

蒲錫山房詩話東亭綺歲能詩與沈文恪初有十子之刻金谷玉應為世所稱既而資瑄蘭陵兼以飢驅奔走故其詞句凄嫻如感事云已悲閱世同劉曉莫更逢人說項斯美替也云豆泣釜中知有恨蒲生階下更堪悲結薛稷古云歌殘白草春方始採得黃絲夏已銷料故塔云成捲寒沙騰驤馬成道兩角下鶻鷹中山雜感云部控三關雄巨鹿峯連千里走飛狐劉去華詞云青史幾人高諫議白麻當日哭延英皆名句也一入詞垣即登鬼錄玉樹生埋殊堪哀涕

雪後

暝色起亭皋微陽上林薄開門寒氣侵凍雪松閒落風竹搖簷楹日暮聚飢雀蕭然守一編幽棲甘寂寞黃昏返空齋挑燈坐高閣硯視寒冰屢凝爐清香更燴幸免塵鞅羈得此卒歲樂清境固愜心所嗟在漂泊

馬上望西山

谷口遠樹微蒼然起寒色不知塵土中有此翠欲滴迴峯斷歸雲半嶺積餘日鐘遙寺不分雪淺徑微出望眼極空明新



收殊婉孌征途逼歲新游子倦行役對此融心神庶幾慰躡  
躑欲攜九節筇緩路通雙屐手攬碧芙蓉凌虛送歸翼悵望  
渺靈源馬蹄去安極

禽言

脫布袴縣吏持牌促官賦農人低頭向吏訴農何良吏何怒  
太息無錢俱酒脯晚布袴

布穀布穀雨深泥濁叱牛朝耕牛殷觶日暮歸來倚門哭春  
花無收食無粥

提胡盧尾畢逋蠶十筐桑百株婦子瘁早起趨新絲賣完陳  
租南邨酒不得沽空相喚提胡盧

婆餅焦小麥苗官差築塘水沒腰雖欲種麥那可逃麥苗不  
得值安得婆餅焦

唐花詞

春明門外斜陽岸，柳綠雛紅春未半。冰痕繞半鳳凰池，雪影乍消鵲鵲觀。何處芳菲爛若霞，試燈時候見唐花。柔葩凍合香初拆，嫩葉寒侵色漸加。滴粉搓酥千萬樹，春光一夜來何遽。煖火頻將紙屋圍，微飈更著輕羅護。花市朝來賣幾枝，內家收束弄妍姿。絕憐冀北韶華早，翻訝江南春訊遲。鳩啼小雨天將旦，隔牆暗送香零亂。芳逕難教蝶夢通，新妝不用鶯吭喚。十萬金錢買數叢，攜來深院對東風。嬌窺繡輦香鸞裏，春在燈光帽影中。更有豪華推甲第，惜花似惜傳。停麗龜甲屏圍寶篆微，蝦鬚簾捲春陰膩。緩舞嬌歌醉復醒，曲欄低護小金鈴。但將早豔爭新樣，不管繁枝怨易零。露菊霜蘭誇不得，胭脂一種添顏色。爛熳偏矜元夜前，吹噓不仗東君力。幾

日繁華座上珍可憐轉眼已芳塵桂叢擬待秋風拂不把寒  
香鬪早春

落梅

狼藉殘英遍水涯東風何事洗鉛華籬邊暮雨依修竹郭外  
輕陰讓杏花雪盡溪堂人臥病寒生江店客思家蹇驢更有  
行吟處幾片低飛破帽斜

亭亭疎影淡無痕消盡風流楚客魂半樹祇應畱別浦一枝  
猶是記前邨烟殘遠水初迴棹月落寒山正掩門只有蓬萊  
花鳥使抱叢偏解惜空尊

舟泊半山

去秋三度臨平路今日重來值禁烟寒食杏花山店酒春風  
楊柳寺門船田園歸計知何日鷗鳥相思又隔年壞壁閒尋

舊題句雨昏殘墨尚依然

感事呈諸同人

臨風顧影歎蹉跎話到驚心喚奈何  
眼底浮名徒刻鵠人閒幻態盡籠鵝  
畫眉不稱新妝好長袖終輸善舞多  
敝篋空餘孤劒在夜闌祈地獨哀歌

彈鋏高歌行路難酒酣耳熱向燈殘  
曾聞南國依劉表誰過西州念謝安  
每惜秋風絃扇棄非關冬月練裙單  
嶺巖世路頻惆悵細雨廉纖打面寒

京口渡江

輕帆如葉下吳頭晚景蒼茫動客愁  
雲淨蕪城山過雨江空瓜步鴈橫秋  
鈴音幾處烟中寺燈影誰家水上樓  
最是二分明月好玉簫聲裏宿揚州

清明次梵珠韻

疎柳籠烟拂岸斜，禁城天近氣清華。  
半春孤客忘寒食，一夜東風又杏花。  
故國有書愁去鴈，空齋無夢惱啼鴉。  
石欄記得分新火，綠翦桐陰自煮茶。

吳森

字雲衣，南豐人。乾隆二十八年進士，官廣濟知縣。有筠湖詩草。

江行望麻姑山

脈脈廣川流，蘭橈從此去。  
殘雪蘊叢薄，夕陽隱荒戍。  
麻姑朝未回，仙壇想如故。  
邨莊四五家，衰草門外路。  
飛瀑界青碧，欄杉縵烟霧。  
遙企山中人，頗愜山中趣。  
快然念吾儕，仙風幾時

御

玉河步月

愛此團欒夜行行向碧灣流光紅蓼岸心事白雲閒水落千門靜天高一鶴還年年桂花發容易鬢毛斑

淮堤晚步

舶趠風威緊朦朧樹色微扶筇當薄暮零露滿征衣地曠孤城在天遙尺素稀回頭望明月烏鵲更休飛

游麻源谷

問訊麻源谷方平去未還烟雲多變態草木只空山少歲長爲客懸流不可攀何當駐飛舄白首對孱顏

書齋漫興寄大興張生

吳雲燕樹幾年心太息蕭蕭白髮侵古寺鐘殘收玉局行廚酒盡典瑤琴平生風味慙中隱如此烟波只獨吟料得閉門

花落去春來魚雁恁浮沈

晴川樓

秋盡登高倦眼開雲濤淼淼雁聲哀湘中有淚涇涇竹江上  
何人吹落梅每聽橈歌引清興欲同漁父賦歸來可憐松柏  
爲薪後虛費崔生十倍才

崔詩晴川歷歷漢陽樹今竟絕無

雨中貽清署小集呈古愚兼寄思郭

週遭四壁隱苔痕雲閣松梢客到門峽裏清猿三下淚天涯  
孤劍一閒樽春風不醒棠梨夢秋雨能銷燕子魂遙想故人  
吟臥穩蓬蒿今已滿中園

再游伯牙臺遂登梅子山

每於憑眺起悲歌翠館迢遙此重過夢裏微聞涉雁落樽前  
又見夕陽多鶯鈴響轉遊人騎佩葉飛看估客艤莫爲閒愁

減幽興過江名士半蹉跎

王奉濟字水皆龍  
官後橋寓漢陽

吳霽

字倬雲錢塘人乾隆二十八年進士有貯月山窗詩偶存

黃龍洞是慧開卓錫處

浙瀝秋雨灑森爽古木交寺門石壁陡篆路風篁捎千年老  
藤枝屈曲蟠潛蛟人語響空谷日輪掛危巢當年卓錫人何  
似水上泡空餘而壁佛寂寂昏復朝

然犀亭

日落江逾白山多不了青濤聲與松籟吹夢上孤亭倦客猶  
高詠空潭自熱靈蒼茫百戰地誰擬孟陽銘

重至青雲樓望敬亭山



不改青山影依然遶郢城春風一爲別秋月又懸清舊夢空  
樓入新愁白髮生如何最良夜祇有露蛩聲

雪後放舟之鳳林寺小憩分得林字

舟乘殘雪放雲展半湖陰寺古畫長閑人來鐘遞音

客至打鐘則門啓

天花空綺語佛火冷山心多羨歸棲鵲蒼蒼松桂林

舊名喜鵲寺爲鳥窠

禪師道場

游齊雲作

愛山空復譜圖經使節欣依拜岳靈飛瀑雨餘穿地白亂松

春老入天青誰從劫火參金像

廟設於火窟落成

自有罡風闕石扃彈

指浮漚更何似結茅巖下讀黃庭

雨中赴黃山道中作

一重一掩杳難分衣上密知綠是雲人似蟻穿珠九曲僑如

梭織錦回文風輪有影泉鳴碓  
菌閣無階鳥喚羣雙嶺前山  
看漸近又飛雨脚暗斜曛

江城送別圖爲朱荆閣作

山東進士前  
余掌教勾庭

岱頂松標海鶴姿相逢無那又臨岐  
兩年山館追吟屐一夕  
江城共酒卮  
朗月照人秋練練  
纖歌留客夜遲遲  
明朝十幅  
乘風去紅樹青山萬里思

湖海詩傳卷二十八

湖海詩傳卷二十九

青浦王 昶德甫輯

褚廷璋

字左莪號筠心長洲人乾隆二十二年 召試 賜內

閣中書二十八年成進士官至翰林院侍讀學士降六

品銜乞歸

蒲褐山房詩話筠心敏慧絕倫風神活潑有荀令謝郎之目直隸雁門進詞館充  
方略館纂修于準夷回部山川風土最為詳悉奉 勅纂西域圖志又纂西域同  
文志并通等韻字母之學雖法顯神珙無以踰  
也詩初學青邱後學元白有遠詞文卓然大雅

聞吳中歲飢

客從南方來遺我一尺素上言長相思下言久不晤中言歲  
艱辛雨淫復蟲蠹鴻雁謀稻梁劬勞滿行路中邦財賦雄東  
南實府庫長淮挽天漕百萬歸天庾時和屢豐年民俗日庶

富閭閻歌舞地喧闐集雲霧古來哀樂理循環豈無故得無  
豪奢習上千皇天怒吾願三吳民遇災發深悟去華返其醇  
勿爲浮靡誤庶幾感穹昊排閒憂可訴

鬻子行

百錢鬻一男千錢鬻一女十十與五五道路自儔侶牽衣或  
頓足大者三尺許其小尤伶仃未斷懷中乳父母謂子女鬻  
汝亦痛汝割月與他人豈不剝深鉅父母謂子女鬻汝亦愛  
汝鬻爲豪家奴顧盼得所主遠鬻去里閭浩蕩脫拘圉鬻汝  
以生離不鬻以死聚苟能全性命恨不插毛羽蕭條悲風寒  
野曠日不煦河橋水訣別淚眼血如縷寡婦與鰥夫飢寒獨  
延佇

上楞伽山登浮圖絕頂

尋煙陟崔巍風送塔鈴響秋花隱叢木淨石牽宿莽樓觀何  
岿巖朝曦射金榜山來莊嚴地萬古鎮龍象祀淫神不福頽  
俗競誣罔凜凜中丞公破愚匪矯枉至今絕本根快事緬疇  
曩浮圖倚層霄放眼納莽蒼橫接飛鳥翅仰捫巨靈掌俯瞰  
銀濤翻青螺貯益益長諸激天風颯忽絕塵鞅夢遊疑玉京  
不用九節杖飜嗤學仙人蹤跡付惆悵

朱文也招遊平山堂遂至觀音山歸過法海寺

秋光湖上來明鏡淨寒淥空洲擢蘭橈驚起鷗鷺宿芳堤十  
里餘沿迴騁遙矚霜林綴微丹露草含舊綠亭臺何宛轉明  
瑟雜水木前山接飛虹萬翠森在目撫松躡層厓登頓恃腰  
足吾友雲鶴儔矯翅忘偈促凌空得遐觀鎖霧半山腹指點  
白塔雲晴絲漾輕縠須臾下平岡里許出溪谷聞鐘賈餘勇

元關叩梵竺修廊映檀欒觸手若新沐徘徊成小憩亦足媚  
幽獨紆行却前庭斜陽下西麓鱗而水面波沂影沈碧玉解  
纜載夕膳村煙見歸牧空囊貯嘉遊一笑對童僕

昭陵灘

未接奔流狀先聽奔流響如雷亦如車水石自擾攘廻漩衝  
激餘一派界三兩長年勇成癖萬力合篙槳讓石不讓水穿  
空髮無爽平生涉波濤忠信非鹵莽入險意自恬就夷神轉  
悅清湘本安瀾綠淨平于掌何爲墮磊砢忽若瘳在茲傳聞  
膠舟處冷魄遂滌蕩至今鬱餘怒馳戈日還往雲根尙可移  
安吉置原壤猶夷權常閒一鏡憑俯仰

蘄子洞灘

遙聞聲淙淙下見水洄洑高崖列層屏彎環抱寒瀑舟穿亂

石間左右濺珠玉一篙力萬鈞勇訝過賁育一覽屏上行蟻  
附不容足鐵索半壁懸歲久多斷續請聽勞者歌行路難於  
蜀作詩諷後來舊規庶云復

清浪大灘

左顧峯攢攢右盼石齒齒中束一綫江清浪捷于駛翻銀滾  
雪間如案亦如几又如列盤盞瑣碎失料理石扞水不讓水  
嚙石不徙一怒萬古喧篙槳信所使我來乘春流入險自茲  
始齋心禮伏波前途佑安軌迴船颿靈風送帆一何美恍忽  
雲旗翻絳節導迎遷武侯猶昔深遂韻今已矣

書吳世濟禦寇始末後

吳侯儒家子經濟乃復爾孤城累耶無聲援百萬生靈一人  
恃明季頽皇綱羣盜日猖蹶蔽遮淮潁趨亳蒙妖氛太白纏

三月吳侯手無尺寸兵訓練義勇兼諸生四門如山屹不動  
突騎間出風雷轟明朝烏啼蜂蟻淨不遺刀塗血路隔惻隱  
熙熙原野人歸耕著書紀謀畫傳鈔俱展讀虔心感神靈大  
力冒蒼族盈盈豪楮間如珠淚盈掬至今組陽民私祭戶戶  
祝不有當時禦寇功安得鱗鱗萬家屋何年名宦補斯人專  
祠俎豆垂千春靈旗森蕭雲斬降如見登陣百戰身

陳蔭堂觀潮圖

驚霆颺忽雷轟闔空堂瞥見銀濤翻中流白馬恣馳突東走  
不受羣靈鞭正疑海若作狡獪又似天潢奔瀉一氣窮河源  
雄風挾浪湧毫素就中有客神飛鶩杖頭直指觀峯日袖底  
橫曳滄洲煙忽憶客歲秋江邊異事詫見須眉軒翩然白鳥  
迎風搏凌空突兀騰波瀾前潮子胥鬱靈氣後潮文種流煩



宛蛟涎濕卷雲練裂龍角倒撞金戈喧千騎萬騎如雲屯江  
光冥合相吐吞須臾勢落歸海門羣山重吐修眉痕歸來寢  
寐驚心魂誰歟圖此卧遊足奚啻八月之望攬勝錢塘濱翻  
恨昔遊等塵夢不入繪本常鮮新人生何時筇杖周五岳復  
見靈源四瀆嘯喻通無垠山川奇麗供放眼笑指兩大成漚  
塵與君汗漫泛舟入同作江頭踏浪人

春雪遣懷簡韋約庵吳白華王述菴曹習菴諸子

昨宵紙帳寒威添清響窸窣敲筠簾曉來牕影開曙色亂灑  
凍雨飛霏霰空庭鬚髭微霰接撲面蕭颯驚風兼天公知我  
愛修潔游戲滕六驅飛廉水晶宮闕銀世界兩大一色藏烏  
蟾去年三冬氣恒煥少見六出飄廉纖春歸節序未云過臆  
霏正應豐年占而我荒齋託窮巷如蠶眠起魚喁噉迴光照

屋不補漏餘點入突適消黔同人三五蹤跡絕坐使寂寞奚  
童籛忽思消寒出奇計典裘沽酒貧不嫌主人灑掃客雜坐  
三間暖閣安深簷地爐芋栗恣吞釗家廚羊豕窮燔燔臘醅  
清還入桂杞海錯鮮更和薑鹽藏鈎燭短愁屢跋跂箋韻險  
欣同拈酒酣高歌興轉劇開戶一笑軒眉髯此時蕭條邊月  
白  
王師萬里馳戈鈴旄頭夜卧鐵衣冷刁斗列幕秋臺  
巖安得倚天一雄劍芙蓉淬水抽鋒銛渠魁執馘獻諸

廟餘醜梟獍皆夷戮不然探奇香雪海衝泥不惜泥巾襜  
故園寒玉三百樹山光宜合湖波滌春風別我動盈歲使我  
寤寐心神恬何爲兀兀困几案陳編故實煩撫摩已經三月  
落塵海依舊冷客慵趨炎明朝晴曦暖冰絳和風小草萌勾  
尖山莊聲聲啼布穀河橋處處懸青帘相逢買醉百觚盡準

擬蠟展蒼苔粘我歌欲罷雪亦霽起看明月磨新鏹

題謝仲和竹石幃子

兩葉風枝縱橫起瀟湘欲落簾波裏誰拈秃管揮秋鏡咫尺  
蒼梧愁萬里兩枝直上何龍從濛濛拂地晴煙濃一叢嫩籜  
穿石隙涼颺蕭瑟搖虛空其下貓頭新筍看抽玉苔花迸破  
幽闌東此事風流蘇與文房山松雪傳其真息齋父子亦神  
到後來作者徒紛紛江南謝老映晴雪數枝貌出凌秋旻竟  
疑腕底金錯誤橫剪一段秋江雲主人愛客兼愛畫招歡日  
在長林下其言人海少檀欒對此清標惜無價安得更闌借  
展玉鴉叉歸挂空齋坐消夏

徐勇庭日璫到都晤贈

京華鬱熱驕赤烏桃笙暖裂湘筠枯晝眠散髮夜深坐冠蓋

寂寞司籤奴朝來翻盆撒炎繖  
颯如酷吏去邳都清風況聞  
故人至當階把臂軒眉須投  
鞭拂衣淨塵浣茶甌談麈安  
座隅經年契濶暢情慤諧笑  
最喜鄉音俱語闌袖底出新  
製吟秋點筆霜階梧清鶯  
颯絃奏商角涼疑雁渚搖  
菰蒲把君瑤華堪玩娛白笑  
廢學同饑癯今春懶惰百不  
作文筆那使波濤驟起肯  
疋疾藉良友定許唱和同于  
喁況逢舊雨會裙屐帆山  
嬰泖水遊蹤不孤涼庭金井  
轉輾輾流光臂服秋風蘇  
餘杭老酒吳船到提壺痛飲  
飛百觚不然獵碣辨魚柳摩  
挲金薤忘朝哺金臺落日眺  
燕冀遺蹟欲訪斯人徂嗚呼  
遺跡欲訪斯人徂荆高琴筑  
勿復道千金駿骨無時無

聽同舟李翠園鼓洋琴

秋陰沈沈動烟江風沙颯  
杳敲蓬牕高歌發興扣舷  
罷坐聽

擊撥聲琤璫如絲非絲竹非竹宮商宛轉隨新腔乍疑春禽  
弄俊舌妮妮兒女愁銀缸又訝飛泉落寒澗松風瀉出流淙  
淙將昂似抑復相逼砉然奮出金戈撞朝天紫塞去無極聯  
翩飛落驚鴻雙我聞此調增歎息顧語四座言無厯琵琶箏  
笛紛滿耳清音欲聽心先降伊人握觴擅奇絕如以荆筑驚  
愚惑金絲枵枵切幽怨使我旅魄搖旌幢人生會合且痛飲  
一杯一曲傾春缸回首落日掛遙樹愁心千里浮歸艤歸風  
他日動瑤軫爲君相憶貽蘭注

接葉亭圖爲祝芷塘賦

憶昨移家拂巾屨剩石璫璫砌邊壓春深隔院啼禽多指點  
孤亭名接葉余舊寓半藏衡衛  
以接葉爲北碑西厓不作南華老文幟詩壇過眉睫  
空開竹徑墮流螢閑鎖花房飄宿蝶海寧太史今名流冰雪

肝腸玉顏頰丹鉛信手任游戲卷軸隨身恣漁獵揭來此地  
作寓公前輩風流儼相接栽培草木理石泉茶銚琴牀安妥  
貼招攜暇日盡豪偶我亦聯翩附襟襟與酣爲道相逢初落  
筆風簷窺敏捷冰壺鑑裏動光采抗手蓬山共飛躡迴頭塵  
夢十二年屈指分明時一雲丁丑歲余初識正塘于浙江學署適其此  
作後同舉春官入翰林迄今于紀一別矣  
圖點染結構工髯翁筆到天機淡彈棋把酒人兩三捲幔排  
窻景重疊邇來京洛少名閣稍喜林亭供日涉主人愛客能  
倒屣才華況擅雕龍勰卷圖更乞致王宰添我松陰坐鱗鬣

寄懷虞諸舍弟卽用其去秋送別詩韻三首

匆匆官渡憶長征折柳當筵惜別情秋雨夢回梅福墅江雲  
背指閩閩城連天白日關前影永夜黃河枕上聲不奈鴿原  
多悵望燕臺落日暮愁生

聞說鋤雲薜荔村春來攜屐被苔痕興乘西子湖邊棹景對  
梁王閣夜尊多病馬卿仍故國著書苟令自開門江臯落魄  
遙憐汝須信艱虞吾道存

軟紅初試素衣難人海俄驚逝跳丸夜直銀虬依漏永曉趨  
金馬戴星寒東方索米憐朝餓北郭吟詩憶舊歡昨夜池塘  
勞遠夢半闌春草帶愁看

寄舍弟虞諧

三千里外苦吟身聞說經年藥裏親漸澹名心緣見道未拋  
家累尙憂貧香生別夢山中樹寒入秋潮江上鱗況是烏啼  
聽不得墓田愁照月如銀

西域詩有序

瑋  
備員史局承修西域圖志同文志諸書考索印

證七年於茲紀 聖朝之疆索闡前代之見聞編  
纂之餘爰成斯什用志天山南北都會城郭之大  
略以補史乘所未備且藉以咏歌 盛烈竊附于  
江漢常武之義云

烏魯木齊

額魯公孫此建瓴

地為額魯特公族嚙爾丹多爾濟之昂吉

天戈萬里下風霆山圍蒲

類分西谷

蒙古類賦地治天山西疏榆谷

雲護沙陀拱北庭

唐為北庭大都護府北接沙陀突厥地

不斷角

聲橫月白無邊草色入天青漸懷城

新建城

上舒雄眺盡把耕

疇換牧坵

伊犁

人驅風雪默驅烟猶見烏孫立國年

為漢烏孫建都處焉條烏行國建公草

海氣萬重

吞麗水

伊犁河唐時名伊麗河亦曰伊麗水西北流入巴爾喀什淖爾後入海也

山容三面負神連

伊犁為奇騰格里山即古祁連



山東西南三盤雕紅寺朝鳴角有海經克爾爾札爾廟散馬青原夜控弦紀績穹

碑衡落日國爾札爾廟東建有前後勒銘伊和神英靈班鄂想迴旋定北將軍班第議政大臣鄂容安畫額于此

雅爾

多邏川外夜吹蘆雉堞新成接上腴塞月已寒三葉護唐三姓葉護地

在北廷西北金山之西邊風猶動五單于漢呼揭車犁烏藉振閩郭支五單于地名藩甲卷煙消漠北

接左哈薩大界大兵追阿木爾撒納入其境哈薩克撤帳數千里因而內附健將弓開血灑燕巴圖魯侍衛額敏和布克敏制勝于此不是

皇威宣北徼春光誰遣遍墳塢

額爾齊斯

西州直北勢憑陵瀚海迢遙過白登鈴澤風高奔怒馬今堪鄂爾博爾

譯言金山雪暗下饑鷹今阿勒坦鄂爾博爾金山曾傳舊壤開都伯舊為都爾伯特游牧處四訪拉

特二也部爾伯特見降王保策凌都爾伯特有三策凌者首先歸附封王爵今存四部蟲沙成底

事好將忠謹化驍騰

吹

梯空勁旅倚屏顏

巴圖魯阿玉錫以二十五人敗六千餘衆于格登山在吹東境

逕出盤鵬落雁間波

浪遠翻圖庫水

圖斯庫爾河舊謂則成圖庫唐碎葉水也

風雲高護格登山千屯此日開

榆塞

白圖斯庫爾北岸傍吹河西行五百餘里總名為吹今爲屯所

十箭當年阻玉關

唐朱羅哩利失可汗分十部部長一箭

口十箭皆碎葉西境

碎葉長川流不極

吹河爲碎葉川

猶懸邊月照潺湲

### 哈喇沙爾

風雨猶疑鐵騎屯至今沙戟有遺痕焉耆鎮啟龍遊遠

唐設焉耆都督

府爲四鎮之一

都護城懸烏壘尊

四境爲漢烏壘城都護居此手西域爲中

弓掛輪臺飛皎月

西有地名玉古

南漢輪臺地

劍磨蒲海射晴曦

南有羅下蒲海爲古蒲昌海河源至此潛行

戍樓高處分襟帶山

### 水遺經費討論

### 阿爾蘇

天邊冰雪鬱嵯峨木素峰高朔氣多

城北有木素爾山永雪同語木素爾水也

壕上射

生城落雁軍前饗士帳鳴鼙東繁姑墨千年蹟阿克蘇東塔里木河北岸為古姑墨國地  
南走于闐一綫河和闐河北流至此入塔里木河待把方言垂竹筆阿蘇溫竹筆  
宿漫承訛阿克蘇為古溫宿地

和闐

毗沙府號古于闐和闐為古于闐唐設毗沙都督府西倚葱嶺葱嶺千盤積翠連大乘西

來留法顯水經注釋法顯至于闐其國有大乘寺重源東下問張翥漢書有兩源一出于闐漁人秋採

河邊玉于闐有綠玉河即今玉而哈什台刺哈什諸河也戰馬春耕隴上田今日六城歌舞

地六城門內中齊曰玉龍哈什曰哈喇哈什曰塔里木曰塔克曰克勒底雅唐家風雨漢家烟

自沅江四十里至增埠野宿

上瓊湖畔曉聞鶯又放垂楊罨去旌綠漲鳴頭雙槳滑晴烘  
魚尾一帆明殘春花木驚榮謝遠微雲山待送近今夜風燈  
何處宿烟波不遣傍嚴城

鳳雛

擊汰辰陽溯北河名雛萬斛舊驚波風烟黔等重源遠雷雨  
蠻溪九派多隘地濤聲馳白馬連天山勢壓青螺東坡奇絕  
南遊興華擬憑舷發浩歌

食菱聯句

江南果族滋水陵顛秋實微涼過菱池璋殘暑退蓮室驚風  
綠蒲短枚戰雨紅蓼密濯濯修莖生琰茸茸嫩苞茁根浮淤  
泥新璋葉據碧流滴其花始蕭疎枚厥月晚填溢叢刺角周  
四琰纍纍望彌一並蒂時低垂璋孤條或昂出雅疑瓜在包  
枚堅訝蘭成栗中含圓艾淨琰外附流荇滑頌喜盈掬齊璋  
尖懼傷手失連沿沒鳧翁枚交錯礙魚乙圍懶漲渺瀰琰緣  
汀野蕭瑟岸濡初冷露璋塘映欲落日沿洞紆纒紆枚容與

桂燒發纖纖素腕琛 采采落時物碧蓋翻藻傍章 紫莖斷  
蘋末朝連浦烟收枚 晚帶渚雲割水居隔東西琛 女伴問吳  
越來遊陂面風章 歸載水心月與采蓮後先枚 較摘蓴彷彿  
盈筐波乍揚琛 湘釜泥未掘剝纔食指動璋 嚼豈屠門必潤  
吻厭桃藕枚 朶頤賤葵鬱來禽鮮宜配琛 蜜父熟堪匹甘知  
山芋遜璋 肥豈籬豆奪實筵列無譏枚 野饌俱難缺人同影  
月三琛 候協流火七調惟填應篋璋 趣迺膠投漆叩門苔印  
齒枚 近市宅容膝盤留嘉蔬陳琛 尊滿舊醅潑嘗新欣屬饗  
璋 知味縱譚悉搖珠幹方剪枚 韞玉壳初脫那須爛去毛琛  
未事食懷核紫錦句恒咏璋 青冰記堪述方言徵解茗枚 爾  
雅辨櫟蕨漁莊待分租琛 吟舫想消暘作詩付奚奴清芬滿  
蓬華璋

吳省欽

字充之號白華南澠人乾隆二十二年 召試 賜內

閣中書二十八年成進士官至左都御史有白華詩鈔

蒲陽山房詩話白華著撰精心果力不將蹈襲前人少日與趙損之張少華同學  
漁洋竹垞既而別開蹊徑句必鏗疑意端清峻入詞垣大考翰林第一繇是衡文  
荆楚以及西川遇山脈水刻處輒以五七字寫之或以東野長篇爲比  
未盡然也散體文于唐似孫樵劉蛻于宋似穆修柳開亦復悠然自異

鳳嶺

我辭豆積山言指廢邱驛徘徊三五里夷衍散人迹破荒入  
雄嶂石齒奮銜屐七步峰九迴蘆條而峰脊及脊峰更危意  
外豎絕壁朱藤萬年猷黃壤一撮瘠抵死撐九天欲下嘆安  
得縱無鳴鳥儀或有怪鳴聞東頭佛髻青西頭雷峰白高標  
納萬象神鬼出奇力蟻象顧來程濃氛黯將夕

馬鞍嶺

輿橋平告諭嶺累甌迭起伏馬鞍三十四礮礮側愁目甫登  
畫眉關蚓徑類蝸縮磨牙伺奇鬼猿獮伴宵哭百上始絕陁  
一下卽墮谷力持軒輊交伎倆見差熟誰還插大鼓萬丈陷  
地軸蛟鼉弄狡獪河底挂飛瀑緣河升降慳賈勇奮投足黃  
石爛不僵青桐死未禿居人斷樵徑走險習麋鹿顧影竝蒼  
然策策響寒木

### 五丁峽

王涯辨仙掌近理挾堂奧至神無迹象跼劈妄見告昌意娶  
蜀山人烟久通照胚渾天地初有空不容鑿梁州錯雍州自  
古禹力到西東帶二漢星精象維肖濛源出岷冢乘載利親  
道滑滑石罅穿汨汨樹根冒滙流茲峽閒龍窟倚蹇界水立  
山轉孤職合昆陽譟撼盪芥蒂鬆崩駁性靈拗一縱始潰奔

入袞理輓擢下峽下南紀上峽上西徼褰裳赴懸流顛頂壓  
危峭決滌元氣蒸摩豁真宰耗方知澤洞年早闢華陽道五  
丁五石牛郭說適騰笑馬老能識塗崎嶇任孤造

慰忠祠

祀戶部主事上海趙文哲刑部主事滿洲特首布無錫王日吉重慶府知府新建吳一嵩候補知府江寧王如玉府同知桐城鍾邦

任通判休寧汪時浦城吳景知州會稽吳瑛承德常知漢陽徐念南員彭元璋知縣陽湖徐璣渭南張世永嘉善許椿宛平孫維龍貴州章世珍仁和程陰桂及其子烈布政司照磨臨榆倪鴻縣丞仁和倪霖吏目宛平羅載堂巡檢臨桂郭良相典史光州吳能東安許濟寧河間國衡其地在少陵草堂之西顧觀察光旭瞻視輿策倡議成之以七月十六日奉王入祠王吏部昶撰碑文顧觀察書之子為篆額

太歲在癸巳六月初十我軍軍昔嶺滑蓬朝徑濕定邊印

如斗誠子預藏襲獵獵移森旗未暇整伍什將投木果旁堅

壘待重入中道膏賊鋒師潰咎誰執一雙蘭署郎

禮部主事比部

機庭

練批答袴褶來從軍併命祇呼吸徐常

贊

司度支吳

一

羅備

典給隨行卽隨死僵卧委韞帑

以上兩難背嶺

先時番孽降野心欠馴



習招搖颺白旗還往悄游謀聊以夷霸

番語強勢也

嘗各各繕槍鉞

將軍置罔聞餘黨孰竦善驟窺美卧溝朔日晚告急提臣防

禦單倉猝斃羣嚼遂延喇嘛寺欲向別駕

莊

脅父子甘舍生

禡剝逮縲縶角礪檄報同科多火攻合鍾程暨仙尉

許望救

痛何及桓桓推郭吳

鉞

半通寄冗關相持閱幾朝相格斬幾

級

郭守占固凡十一日始破吳守藩爾多殺賊數人始樂以上糧站各員自郭外皆以初二至初九等日被傷其餘十三人皆初十後從臣登春退師途次遇害

勢

去終莫支礮臺跡旋躡吏卒慘欲歔商民駭駭駢號呼赴大

營營門拒弗納侵晨敎大開出走擁蹀脚將殞兵竄亡瓦解

浩難戢登春驛重臣枯朽被摧拉且戰且退奔矢石冒千疊

取道爭兩厓厓上礮聲接從官十三人先後尸枕壓辟諸牽

網時豈復漏魚妾肉爲饑烏銜骨爲訓狐攔豈無輸運賈折

臂爲升台豈無負戴夫斷頭爲囊篋豈無屯戍士決脰爲垣

堞國殤不勝書鬼錄不勝牒文臣不惜死公等更酸喑晴沙  
東林裔侶議議皆協度地依草堂筍林斬叢觚芝桷映藻井  
栗主替畫翬橙陰映蕭蕭鵬語喚恰恰恂然魂氣來碧血洒  
丹闔能爲張巡厲如傍要離俠麻猴杜陵叟慘切效長捐心  
肝奉至尊今古匪殊轍慰忠祀江城昭忠祀京邑姓名婦孺  
傳事蹟史宸輯所嗟擒轡計葛亮竟帶汁風鶴警蒼黃沙蟲  
莽哨雜本非幃帳參而歷疆場劫赫怒揚主威義憤激

兵法禁旅交龍驤隣師亦鱗集幕府稱定西賊庭罇犁插以

慰存者心繫組任敲吸以慰亡者靈傳芭永伏臘尙有楊豐

都轟雷運歆飲給賊賊敗人斯舉漏章摺身殉衆競憐廟食

爾同愜鄧都台楊公傳管理糧餉其遺爲賊所得符令演戲楊致不如法賊賊十許人章賊帥之自甲中來者多傳其事而請師未及是冬兩督臣查奏夢繼以奉

令撤局回替于山鼎按害得贈道而周國衡或經死難或被劫失男察報則撫拜修辦香陰景耀靈燬

夜度大侯壩

日落山鳥喧征夫急投路崇岡蟠蚓蛇十駕九偏誤積腥吹  
陰風颯颯戰荒樹左右苦覆翻上下眩仰俯列炬雖爛如萬  
衆自殯暮重關抗絕頂寥落數家聚人聲雜犬聲側耳慰惶  
懼來程一迴眺尺寸入窘步明知前去難馬力且傾注顧影  
短裘寒東峰月微吐

白巖壩

午發城北門萬山擁圭撮鼃背無片苔荒磧莽轆轤青江如  
綫來要解赤烏渴白沙縈遠村所向頓空濶曖曖嵐霧橫蓬  
蓬水雲活好風湧綠疇弄影上木末迢遙香積場幾輩託衣  
盜巖下藝禾麻巖前種杉栝傍巖田父居竹光護門闥攬巾  
感黃塵何時重披緜

仙茅

范公志虞衡有茅鬱苞孕服食從旌陽真氣佐長命旌陽何  
 所師謹母養清淨白日昇丹霄遺把苗山稜剪去春又生披  
 尋妙指證遺蹟在豫章朝真秋最盛是皆非蜀產樊道今轉  
 勝孤叢抽斷崖數節蹙荒嶺不誇三脊豎而訝獨根迸舉刈  
 精采宏被濯氣質定錫名婆羅參鍾乳莫能競請誦曼碩文  
 六味養中正楊後斯有仙茅述 觚生愍蚤衰觚絡枯緯經失色包匭材  
 一二荷持贈安得拔其茹栽蒔布月令與世躋太和無藥亦  
 無病

藏聚

覈物備五宜來來著標格藏產推果珍楷皮名纒纒成腊小者  
 扶寸餘黏膩不容擘大者指數圍恬澹不容辭如瓜雖未能

入藥真足惜大荒處極西厥汗受符冊覓種盈萬栽有皖挂  
林隙暈紫攢鱗鱗緋紅披的的采經烏拉語馱飽飼曩宋語  
應子出喫其核尤出奇無復仁可獲低離雨已背渾沌一爻畫  
齧之若檳榔生澀介喉噎以彼寒苦地乃集甘溫益句臚傳  
唱人練氣秘服食繁余孱病身內景滯胸膈筐傾坐難支竿  
打路偏隔想象西南番萬里獻心赤一笑檢農書簾影棗花  
北

果狸

狸首歌斑然而何白其面而面白尾則狐風走疾追電是名牛  
尾狸釋獸闕經傳故人笑我陋購致充朝膳法宜帶糟蒸味  
勝疑酥薦融結在脂膏肌肉何由辨以彼攀樹工百果耀璀璨  
瓌橘柚爲醴漿棗栗作餽饌橘柚爲果  
爲饌字由句素無強食惡反使殺機

先巧捷輪狐公自肥適貽患老饕嗜珍品春梓佐諧譙狸之言不來斯言得毋謾

### 藏香

薰籠媚閨情炷爐誦佛號香市喧蜀都却被海內笑謂乏龍腦珍兼遜鷗斑耀下駟安可充先韋幸無躁尸陀林各天西藏直西微唾棄南北宗貼耳奉黃教吹螺響嗚嗚轉幡影浩浩正法如日懸一氣大感召甘松及珠貝百鍊入鎔銚搗爲元霜精搓作金管貌星星微火來煙篆四騰掉其臭淡無言其燼光有耀重帷閉少時融液透百竅辟邪具神通那必數醫療方今威德宏神僧契元照重舌赴東土焚頂秘虔告區區登貢餘惹衣記廊廟使臣荷分致羌情驗謹叫東香同東芻價壓萬跳竅鄭重燒博山心清遠聞妙

藏璣璣

邊城出魚通烏斯藏聯屬水草健移帳羊牛富量谷豈惟馳  
騁便寢食利皮肉一毛積萬毛璣璣細盈剝漫然體漸麗交  
搓緒相續數丈且一條條受機軸詩璣璣經之旋緯之織作  
妙緣督長鉤準高架用手不用足正成刮使光束卷註豐緝  
彼中霜雪繁適體耐寒煥披同黑貂襜褕勝紫熊罴入市茶  
馬偕任貢組纁馬皇靈被戎夏如布罔越幅馬夷徠馬捫  
漿準部資考收璣璣致新羅璣璣獻身馬毒弓衣繡詩句卽事  
驗懷服珠珍何自來展對見羌俗復陶製效秦黃潤價壓蜀  
賓馬蜀番馳尼攷校味前錄爲報割璣情璣綿佐宵讀

嘉州食荔支

少長東海隅尤物自洋舶漬以蜜與酒色香味差得雖非薦

新采猶道趁鮮喫中年乘使輶桂嶺有行迹小暑會告徂輕  
紅負親壁唐貢歲取涪坡語苦未覈南海片段僅彼產實馳  
驛詩人眩鄉土可口哆津液不見眉倅聽子由詩注眉倅歷有荔枝二株伸手無  
可摘朝來食指動珍果枝的的絳襦白玉膚了了恣披析天  
漿斟飽滿仙酒審芳澤稍嫌名實浮少肉乃豐核主人笑謂  
我茲樹茲土特守之閱數旬采之斯二肩非關苑鳥啗請效  
齊螯食肉熱我弗愁中乾誰似腊物少斯見珍肯遺六丁搢  
我欲懷種之遷地復何益庶作嶺南人日噉顆三百

平羌渡望鐵索橋

平羌江口浪花惡我之渡江竹簾掠從船則危橋則安指點  
橋頭板棗棗優游掉臂同石缸熙攘摩肩勝木杓簞夫笑我  
言大夸險艱如斯逾架閣有剛百鍊柔繞指紛鎖交鉤亘蜎



蟻一絲孃孃百丈牽雙杙丁丁兩厓削枯椿瘦鐵相撐扶如  
艇在背脛在脚版之被鐵纜一重不橫而從罅歷落幾人窘  
步爭捷徑作隊踉蹌似猿猱足所未到腰已軟搖颺風旌了  
無簿四顧絕岸先徬徨下瞰澄潭尤錯愕前年負載過者多  
十條索截七條索千夫瞪視慘呼洵白日青天餒餒鰥而我  
聞言起三嘆夷險信天倍寬綽古稱州域置繩橋人說星文  
應井絡唐蒙發卒馬卿論漢代沈黎遂名徠連峰蔽日陰檀  
欒繞郭含烟響嘯嘖我儕題柱志未頽爾輩成梁庀誰託使  
節還須瀘水行廟謨那數靈山拓嗚呼安得此索飛度刮耳  
崖加頸鎮鐺二酋縛

過大小關山

關上復有關山上復有山關山陡上更無下一下百上增層

顏初如螺旋後蛇蛻步步紆折腰彎環粗者爲砂大者石石  
澗陰森卧蛟脊晴天白日轟怒雷亂洒飛湍打行客林虛簫  
密熊虎驕據險與我爭秋毫危峰壓人面休仰颯漉愁熊陰  
風搖野店蒼涼傍荒戍歇馬店前倚枯樹山家却指相公嶺  
如此關山是平路

瀘州屢得述菴軍中寄書

定西將軍尺二檄緊程八百緩五百陣雲疑雪雪化冰腕底  
何人飛霹靂一聲落紙山岳搖太白出地千丈高尊酒細傾  
歌垓地赫蹏隱隱騰秋毫初言入釜游魚哭繼言落旌軍容  
簇後言七日犁庭無數糧栖萬竈熟男兒豈必手斷南越  
頭飽看飽聽願亦足復言講堂古柏傳文翁諸生誰繼相如  
雄五架五間飭材好落成飲至霽春融軍中學易悟易理小

勗毋怯勝毋喜書招贊普謀朱藏城築因杆願非侈三瀘城  
邊瀘水分渡瀘人去思前勲賓寮整暇有如此將軍辦賊何  
足云

石符榻本

廣元縣東百丈關水中有石大如席上有文如符人  
謂之石符傳是張道陵所書佩之能辟邪生男

扶桑繭紙凍雲墜似符非符字非字其橫三尺縱一尋七劍  
在臂一槩植嚴關百丈厓陡懸厓下江聲響澎湃沿江上下  
溪勢必貼卧盤陀淨苔翠夏漲能禁魚潦黏曉鐘定使鳥朝  
避中央如鏡天劉工言是道陵手磨記樵蘇絕跡漁釣稀響  
榻登登強羅致高牙大旆山鬼驚對仗垂旒賓靈衛縵文糾  
結繆篆相誦者生箝捫者畏堂楣高揭輝日星豈分宜男許  
留佩陰陽水火干劫沈伯道無兒命所制五斗應從隣郡傳  
三丰或曰前朝至青蛇在袖呵叱來化入蒼紋露真氣羅浮

竹葉猶爾爲似此瓌奇古無二得毋漢相籌筆餘暗勒仙銘  
妙垂示木牛銅釜隨燼烟獨有一卷鎮蟲鼠呼童檢點牢記  
將勿遣火薰與日曬五雷劈裂黃石飛且把陰符枕函秘

題惺亭制府土番款塞圖

西北日塞蕃部稠四衛拉特杆畫楸土爾扈特最荒夏未奉  
冠帶祠春秋有元子孫麗不億外氏策妄先朝懋恩率醜  
類避昆猷牧場水草行相求劈正斧沈質孫敵廬帳非帳裘  
非裘我皇拓地越葱嶺準回種類盼共球萬亭障外怨  
遣已渡額濟勒輕若泗生身熟身戶三萬革履辮髮詞咿嚶  
畏威屋惠敍關吏會值秋令循疆腰紫絲轡轡迂天寵親  
覩殺虎神鎗指宗乘廟前禮銅殿旋騎特許經邊郵佩印  
編旗校丁衆頒朔讀法安田疇於濶布多聚屯厰黃羊紫鼠

馳馬牛我臣悉臣主悉主蒙古族盡歸覆幬公時磨節鎮戎  
索頓置屏履儲芻餼遠攜小隊問疾苦要使絕域知懷柔諸  
蕃鼎然連牙帳進止鞠脰電排頭爾曾某某爾祖某爾昆弟  
某嘗招尤某山某水某夷險館候食宿如經由驚呼誠汗手  
加額公神人也誠斯投各以其職歲來覲陪臣義敢忘干極  
是年鄙人使西粵錯迕無異周南留象胥譯舌渺恨據忝視  
典冊封其酋鼎鐘爲述祖德遠綸綽畏深王言羞我公圖此  
紀行役丹青王會交弭彪錦江展對愜春色懷古坐歎籌邊  
樓滴博蓬婆彈丸耳 宵旰幾載勤咨諏 王師掃集事俄  
頃拜釐圭鬯光揚休

封沙拉扣肯都王舍傍  
貝子冊文片欽擬撰

### 姜伯約墓

一膽包東夏嶠嶇戰伐名反旗嘗走敵斷釀輒收兵乘隙天

心去逃讒主信傾空留守關處宰樹暮雲橫

木洞得泉之信

峽斷風無定孤舟下水難山圍巴郡外人出楚雲端猿語傳  
清怨魚書戒早寒分明佩萸節獨自傍烏蠻

蒲州

蒲州舊錫中都號城冠高寒鵲雀樓到海長河尊一柱度關  
太華僦雙旒帝鄉耕稼居猶近霸國兵戎死未休兒說連朝  
風溜繁索郎無恙對銷愁

雨抵榮經

竹霧沈冥石磴遙棕桐葉暗接芭蕉楚人聚落空巖道漢相  
威名始孟橋峰勢極天圍古障澗聲終夜打秋潮來朝走馬  
關山阻欲醉芳樽意已消

登鬱姑臺

鬱姑臺似鬱孤臺杳渺霜鐘法界開  
亂水北吞三峽下斷峰  
南擁七星來荔枝一過霓裳散桂樹重招鶴  
馭哀爲是兩川  
冠冕地醉扶藤杖獨徘徊

初夏寒寄述菴

窄地湘紋不上鉤脫繇時候轉披裘  
胡琴帶潤梅迎雨楚簾  
含涼夢送秋玉粒盡關前水口鐵衣  
猶滯雪山頭暄寒易序  
占天意爲鍊精神破貝州

題璞函少華詩卷感寄述菴耳山璞堂

幾載青林夢故人一編風雅坐相親  
鯨魚絕海苔詩翠欲繡  
平原趙勝身

永安宮

康熙二十九年癸中許嗣印  
因址築亭在府學明倫堂後

垂創三分國存亡六尺孤赤符謀復漢黃鉞忿窺吳持敵師  
偏舛還軍路不紆蠶叢懸夢寐魚浦息艱劬象秘星躔犯宮  
深玉几扶儲君宏後勅元老亟先趨治命彌留最忠言繼死  
俱蠟靈號地圻鵠血濺春徂一自歸喪儼重尋別殿燕翠華  
顰跡竄珠幃蘇痕鋪逝水長東逕開門遽北俘聽笳牆隱雉  
過櫺闕朝烏巾道空王業羣雄祇伯圖結亭存體槩立學改  
形模下輦魂應戀分香意孰誅向來伊霍侶主德爲交字黃初  
四年三月月犯天  
心星四月先主殂

施朝幹

字鐵如儀徵人乾隆二十八年進士官至宗人府府丞

有正聲集

蒲弱山房詩話載如詩法貴清真不尚才藻生澀初峭得之孟東野梅聖俞爲多  
居官如其詩往往進寸退尺如黃鶴之厄閭雖居邦上不屑與離客往還故其勇



口甚在京師敗車一輛老屋數椽係不足益以硯貨而硯硯微磨寒泣冷炙夫婦  
相得怡然終不屑與執官來往的遷京卿督湖北學政而制襄陽廣池告警恒懷  
備不自保憂瘁而亡無後其門  
人伊太守湯安刻其詩于楷李

### 呈王蘭泉先生

雙闕集華嚴宏達羅諸儒夫子江海客出入承明廬制告宣  
九天禮樂垂八區斯文無盛衰大義通古初疇昔西戎敘月  
竊偃螯弧載筆獨紀實於鐐尊 皇輿退食罕人事烏雀翔  
室隅默坐不知暮邈然對琴書

黃鵠覽九州抗音流蒼旻神馬稱龍媒萬里踰崑崙負異國  
由性養精方保真側聞大雅宗與世本殊倫至寶藏潛漠元  
氣涵心神悠悠終古間浮榮非我身抄道瞻在茲展轉曷能  
陳

少居衡茅下慨思古人風耕釣事偶然潛見心自同塵網未

可屏青門逐燕鴻。巨屨觀郭郭陶詠忘夏冬。荃蕙出幽谷芳  
意難爲通。一朝見攀折。雨露滋丰容。聲名戒速成。將進圖其  
終。景光豈不惜我生。守至公。

攬衣出西門。遐矚天象開。朔風吹古雲。蕭蕭落我懷。堅冰橫  
大野。凍木垂陰厓。寒鳥怨無巢。晨夜鳴徘徊。覽物發長吟。撫  
志欣所依。厚德永銜戢。自勗千春期。

澗菴示某僧

白石閒樵徑。青衫訪化城。鳥爭幽處宿。泉入定中鳴。落日梅  
花冷。歸雲竹影平。慈航如可渡。蕭灑學無生。

山中

山中月初出。獨坐彈孤琴。落葉滿前谿。始知寒色深。仰視雙  
翠鳥。緘情託好音。夜半風雨來。蕭蕭愁我心。

過峨嵋院

流水不可住孤雲行未還  
峨嵋院中月已照江南  
山理自獨遊悟心隨清夜  
聞他時結茅屋相對一開顏

夏夜松閒待月和蔡芷衫

四壁靜如此青空凝睇長  
月明漸欲出松色生微涼  
鶴下得幽意風清聞暗香  
金陵未歸客坐久露霑裳

東關早發

雉堞鬱崔嵬孤征一棹開  
春星兼鳥落山雨接潮來  
土瘠憂人事年饑出吏才  
生涯猶旅食慙愧隴頭梅

哭景雲客

名人龍江都人

夢君驚不語死別舊征衣  
落月到今夜慈親猶望歸  
幽州懷雨雪梁苑失芳菲  
三十來登第空傷朝露晞

舟中觀景雲客遺詩景又家杭州卒於衛輝

天涯行李望如何一卷遺文涕泗多  
放鶴林逋歸慘澹入梁司馬病蹉跎  
中原秋色悲嵩嶽孤劒寒雲落大河  
酒價長安平日事登艫風雨助哀歌

文信國祠

江抱真州水一方宋家丞相尙祠堂  
孤城緊急留三日大業艱難望二王  
燕市南冠殘月落吳山白雁故宮荒  
可憐刺史謂李公處之精靈在泉下相逢各斷腸

寄懷張春帆

楊花飛盡白沙洲夾水蒼山兩岸流  
忽憶故人從此去西風吹月下江樓

羅有高

字臺山瑞金人乾隆三十年舉人有尊聞居士集

蕭湖山房詩話臺山少習技勇治兵家言弱冠後外服儒風內宗梵行於釋教服膺警山語錄兼通天台賢首諸家尤以淨土為歸宿于儒者之教宗明道象山而羣經主孔賈正義小學主說文皆能參稽義訓可師而守北之與長洲彭進士紹升吳縣汪文學趙益都李明府文藻交善方外則揚州高旻寺僧照月也年四十六卒生平不多作詩如書東林五君子手帖亦奇崛可喜

題彭允初所藏東林五君子手帖

我友彭季子學志兩東林天花六時供忠孝觀厥深偶見五君書感甚梁父吟曰楊曰繆魏兩周皆國琛明運屬昏黃狐鼠弄靈霧九州鉗網彌妖氛毒矣淫唯時儒林賢舍命爭天心獨見五君書我已頭岑岑

蕭觀景文書雷霆鬱掀擊早魃屯天膏電繞驚蛇縮蕭涼念

佛人渺志青蓮攀忠介官京師日課佛名二千見戒錄暗鳴發怪咤義聲沸愚賤諸

魑心已亡施罵意何腴肉身受泥犁正念能不轉公子仁且

武血疏麗朝晁惜哉不舉觀海嶠青霞緬

應山椒山儔移宮氣挺挺二十四皐疏姦膽落其鰓同心魏  
與左揚激忠憤炳誰託左公書割去聽無瑩江陰暨吳江誦  
說懷孤耿心畫飄殘雲字外餘清勁商飈撼屋梁展對塵慮  
屏頑懦無我如伯詩永深省

張 垣

字商言吳縣人乾隆三十年舉人官內閣中書有西征

熱河南歸諸集

蕭錫山房詩話商言才情曠曠頗語獨鱗後乃學於山谷后山沿於文長中郎打  
油釘絞之舊時嘉行墨周然知新豐云自余離去英雄宅萬歲粉榆故舊情夜宴  
云花露半晴題却扇人扶杖欲唱過波亦殊工體而生平與翁厚溪  
趙雲松孔漢谷諸君友等故致說金石及書畫題跋頗為詳贖可喜

石嶺子

幽徑隨意取山屋無正態古戍吹螺殼大荒滑龜背多泉不

黃井荒坡尙有萊風林土竇啟雲衣水口對最哉養汝儉瘠  
土古人愛

古北口

地盡中原山天挂秦時月喜峯連居庸夾此青碑砢一騎容  
關門千秋幾戰伐沙清走野兕日落剩飛鵠乃見長城下僅  
卧白頭卒近來關內民關外來耕堡冥冥古樓堞荒荒無邏  
訐眞笑前人忙龍蛇膠齒齒

次新安縣

縣城孤迥作重關天許青山四面看紅柿人家沙路淨白楊  
風色澗聲寒馬嘶破驛共成東人上荒臺月半丸一宿匆匆  
便將去料無遺累到豬肝

和寒食弔鸚鵡冢詩

仙家羽化玉棺存贏得詩人到墓門三月白楊留小碣一匳  
紅豆奠芳魂有生浩浩歸情劫終古茫茫付淚痕女伴踏青  
開太息落花堆裏共黃昏

次三道梁同述菴通政對月并題其詩卷後

看月山梁山翠無月中相對話榮枯十年慈母雙行淚萬里  
歸裝八陣圖名士縱橫能仗劍詩篇彊硬亦彎弧慰忠祠記  
蒼茫在又爲知交一歎吁

成都建慰忠祠蓋祀亡友趙漢  
恭程香岩諸君者述菴與碑記

萬鍾傑

字汝興昆明人貢生歷官福建按察使加布政使銜

荊州

大地起胚渾岷山萬馬奔瀾茫通夏口磅礴竦荆門江汎桃  
花水雲垂橘柚村鬱葱佳氣好南國紀屏藩



黃牛峽有懷錢南園太史

人世能經幾白頭，輕帆今又下黃牛。  
猿聲啼過三湘雨，楓葉吹殘大別秋。  
信有文章光上國，那堪風月坐南樓。  
十年同作天涯客，猶是空江不繫舟。

施南三十二韻

邊郡烏蠻近巖疆，白地平秋風生畫角。  
落日照層城，湛露三朝重。殊方百度明星躔，次東井地勢控南荆。  
椎魯風猶古，顓蒙政自成一朝。驅貔貍兩載，紫鯢鯨樂土羣爭附。  
青山衆可耕，衢尊思帝力。葑屋愛官清，俗化螳螂臂。  
風馴鼠雀爭鐘鏞，思往哲胞與待蒼生。仗節尊圭組，專城重甲兵。  
剛柔因地利，寬猛協人情。刺史甘棠舍，將軍細柳營。  
農歌歡臘雪，社酒醉春晴。有客來憑軾，修途事請纓。  
南山觀豹變，北海擊鵬。

程浪跡風塵濶飄蓬歲月驚春雲生馬首暮雨燈檠去國  
逢霜雪生涯仗弟兄乘槎還泛泛出谷更嚶嚶作貢傳東箭  
徵書寶白珩懷人隔秋水綉珮束香蘅雁到歸期遠花飛別  
緒縈窓虛窺蒨葦庭寂走狸鼯愁入千絲裏身憐一葉輕山  
僧留雪茗野客餽黃精流水隨葉意空階聽鶴鳴斯民真古  
處吾道自安貞刷羽期高舉傾觥戒易盈文章欣際會簡冊  
說功名豈子謀溫飽男兒志邁征中心似葵藿不改向陽傾

奎林

字直方富察氏滿洲正黃旗人以恩澤封公山侍衛

官至伊犁總統將軍

滿清山房詩話君以故房城總領冠侍直乾隆其時諸父兄弟數輩值赫而君  
甘肅習勤苦處之役如二十餘年四方征討之役無不身在行間終役於西藏  
之江卡噶之役喜訖更傳聞元史予問之其中愛慕者誰曰即律文正吾不  
敗斯最慕者王保保耳其寄托如此周行萬里所遇封疆大吏嘔涕視之與予在

洪蜀軍營數年最爲相契及乙巳春使伊犁時道出西安昭官齋劇談痛飲呼小  
伶度曲隨別書一絕而去其餘間有所作悉燬其稿親兄明瑞號筠亭風流儒雅  
亦能爲近體詩以雲貴提督  
征緬甸歿于途次詩亦無存

### 示李伶

倦客看春尙有情  
嫩紅柔綠眼仍驚  
風流地主緣何事  
不折楊枝贈遠行

## 湖海詩傳卷二十九

### 湖海詩傳卷二十九